



SNÆFELLSBÆR

Þar sem jökullinn ber við loft...

Atvinnuvega- og nýsköpunarráðuneytið
b.t. Jóhanns Guðmundssonar
Skúlagötu 4
150 Reykjavík

Snæfellsbær, 24. janúar 2020

Tilv. bréfs 32808

Á fundi bæjarstjórnar Snæfellsbæjar, þann 9. janúar 2020, var tekið fyrir bréf ráðuneytisins, dags. 30. desember 2019, varðandi umsókn um byggðakvóta fiskveiðiársins 2019/2020.

Bæjarstjórn Snæfellsbæjar samþykkti samhljóða að við úthlutun byggðakvóta í Snæfellsbæ (Arnarstapa og Ólafsvík), þá verði farið eftir reglugerð Atvinnuvega- og nýsköpunarráðuneytisins frá 4. júlí 2019, um úthlutun byggðakvóta til fiskiskipa á fiskveiðiárinu 2019/2020.

Þó óskar bæjarstjórn Snæfellsbæjar eftir því að gerð verði eftirfarandi breyting á úthlutunarreglum fyrir byggðakvóta í Snæfellsbæ:

Í 6.gr. 1.mgr. (2. lína), breytist orðalagið úr „*innan hlutaðeigandi byggðarlaga*“ í „*innan hlutaðeigandi sveitarfélaga*“.

Rök bæjarstjórn Snæfellsbæjar fyrir þessum breytingum er sú staðreynd að á Arnarstapa er ekki rekin fiskvinnsla og því er ekki hægt að landa afla til vinnslu á þeim stöðum.

Ef ráðuneytið verður við þessum óskum, þá mun byggðakvótinn nýtast innan sveitarfélagsins, en það skiptir miklu máli fyrir Snæfellsbæ að geta nýtt úthlutaðan byggðakvóta.

Þetta tilkynnist hér með.

Virðingarfyllt
f.h. bæjarstjórnar Snæfellsbæjar

Lilja Ólafardóttir, bæjarritari

